

Visoki predstavnik Inzko se sastao sa ministrom vanjskih poslova Mađarske Szijjártóm i drugim zvaničnicima



Visoki predstavnik Valentin Inzko posjetio je danas Budimpeštu gdje se sastao sa ministrom vanjskih poslova i trgovine Mađarske Péterom Szijjártóm, državnim ministrom za pitanja Evropske unije Szabolcsom Takácsem i glavnim političkim savjetnikom mađarskog premijera Józsefom Czukorom. Tema sastanka u Budimpešti bila je politička situacija u Bosni i Hercegovini i naponi te zemlje da ubrza svoje evroatlantske aspiracije.

„Reformski pristup i prepoznavanje hitnosti trenutka moraju biti nezaobilazni elementi u tkivu bosanskohercegovačkih evroatlantskih aspiracija. S druge strane, međunarodna zajednica mora i dalje biti na oprezu i suočavati se sa izazovima koji bi mogli ugroziti stabilnost zemlje i njena dosadašnja reformska dostignuća. Fokus mora biti na reformama koje će omogućiti zemlji da iskoristi pozitivne efekte evropskih integracija. Kako BiH, tako i međunarodna zajednica, imaju svoje obaveze kada je u pitanju buduće mjesto Bosne i Hercegovine u zajedničkom evropskom zdanju. I jedni i drugi moraju ostati ustrajni tokom cjelokupnog procesa,” rekao je visoki predstavnik Inzko.

Visoki predstavnik je ovom prilikom ponovio svoju zahvalnost

Mađarskoj na njenom kontinuiranom učešću u EUFOR-u, kao i na podršci koju pruža Bosni i Hercegovini i radu Ureda visokog predstavnika.